



Asiant Cefnffyrdd Gogledd a Chanolbarth Cymru
North & Mid Wales Trunk Road Agent

Adroddiad Cydbwyllgor

16^{eg} Mai 2016



Yn gweithio ar ran
Llywodraeth Cymru
Working on behalf of the
Welsh Government

Cynnwys	Tudalen
1. Cyflwyniad	3
2. Dyrannu gwaith i Unedau Darparu Gwasanaeth (UDG) yr Awdurdodau Lleol	3
3. Trefniadau'r Bartneriaeth	4 - 5
4. Cydymffurfio â gofynion LIC	6 - 7
5. Perfformiad	7
6. Gwella'n Barhaus	7
7. Anghydfodau ynghylch Gwasanaethau	8

1 Cyflwyniad

- 1.1 Mae'r adroddiad hwn yn rhoi gwybodaeth ar y pynciau sy'n dod o dan gylch gorchwyl penodol y Cydbwyllgor.

2 Dyrannu gwaith i Unedau Darparu Gwasanaeth (UDG) yr Awdurdodau Lleol

- 2.1 Mae gwaith yn parhau i gael ei glustnodi i'r holl Awdurdodau Partner ar draws prif feysydd ymarferol yr Asiantaeth ar gyfer Gwasanaethau Ymgynghorol, Gweinyddu Gwaith a Thechnegol yn unol â phrotocolau'r Asiantaeth. Gweler Tabl 1 isod.
- 2.2 Y rhagolygon yw bod trosiant ar gyfer 2015/16 yn is na lefelau 2014/15 yn bennaf oherwydd gaeaf eithriadol o fwyn. Yn unol â'r dull llyfr agored ar gyfer taliadau i Awdurdodau Partner, mae ACGCC yn adolygu lefelau ffioedd ar hyn o bryd i sicrhau bod costau rheoli a gorbenion sydd wedi'u hadnabod gan Awdurdodau Partner yn cael eu hadfer. Bydd unrhyw addasiadau angenrheidiol yn cael eu cynnwys yng nghyfrifon terfynol diwedd y flwyddyn fel taliad cysoni. Disgwylir i ragamcaniad o wariant refeniw 2016-17 ac eithrio amrywiadau cynnal a chadw gaeaf a chynnal a chadw ymatebol (CAT1) fod yn debyg i 2014-15. Fodd bynnag, yn dilyn gweithredu'r achos busnes ar gyfer trefn cynnal a chadw yn seiliedig ar wybodaeth, bydd gwneuthuriad y gweithgareddau gwaith yn newid. Bydd ACGCC yn parhau i fonitro trosiant a bydd yn adolygu adfer ffioedd yn flynyddol.
- 2.3 Disgwylir y bydd cyllidebau gwell strwythurau, cynnal a chadw rheolaidd ac ail-densiynu rhwystrau diogelwch a chyflwyno dull glanhau arwyddion wedi'i raglennu yn gwrthbwyso gwariant ar lanhau rhigolydd a thorri gwair. Mae lefelau ariannu yn cael eu cadarnhau gan LC ac ar hyn o bryd mae'n ymddangos y bydd y gyllideb Refeniw gyffredinol tua £66.5m gyda'r gyllideb Gyfalaf wedi'i gosod ar £28.65m. Er bod y gyllideb gyfalaf yn is na blynyddoedd blaenorol, ni fydd mor isel ag a gredwyd yn wreiddiol gan fod Is-adran Rheoli Rhwydwaith LIC wedi bod yn llwyddiannus wrth sicrhau gwell lefelau ariannu ledled Cymru, sef tua £16m yn ychwanegol.
- 2.4 Mae lefelau gwariant cyfalaf yn arbennig o bwysig i faich gwaith Ymgynghoriaeth Awdurdodau Partner ynghyd â chadwyn gyflenwi sector preifat yr Asiant. Mae ACGCC yn pwyso ar LC er mwyn cael cadarnhad buan o friffiau a chyllidebau cynlluniau er mwyn darparu gymaint o ddilyniant mewn ffrydiau gwaith ag sy'n bosib.

Rhagamcan Gwariant Cynnyrch 2014/15

Partner	Costau Craidd £000	Gwaith Cynnal a Chadw Arferol/Ymatebol £000	Ymgynghoriaeth / Strwythurau £000	Fframwaith a Thaliadau Allanol eraill £000	Cyfanswm £000
Ceredigion	265	1,903	646		2,814
Conwy	111	3,181	1,695		4,987
Sir Ddinbych	146	1,482	808		2,436
Sir y Fflint	42	2,298			2,340
Gwynedd	434	2,811	3,647		6,892
Powys	833	6,436	1,178		8,447
Wrecsam	25	1,447			1,472
ACGCC	3,273			14,584	17,857
Prif Gyfanswm	5,129	19,558	7,974	14,584	47,245

Rhagamcan Cynnyrch 2015/16 fel ar 27/4/16

Partner	Costau Craidd £000	Gwaith Cynnal a Chadw Arferol/Ymatebol £000	Ymgynghoriaeth / Strwythurau £000	Fframwaith a Thaliadau Allanol eraill £000	Cyfanswm £000
Ceredigion	76	1,702	475		2,253
Conwy	50	2,838	844		3,732
Sir Ddinbych	83	1,133	691		1,907
Sir y Fflint	12	2,322	0		2,334
Gwynedd	386	3,092	3,084		6,562
Powys	309	5,658	1,648		7,615
Wrecsam	25	1,253	138		1,416
ACGCC	3,970	-	-	15,655	19,625
Prif Gyfanswm	4,911	17,998	6,880	15,655	45,444

Tabl 1 Crynodeb o Gyllideb a Gwariant Awdurdodau Partner**3 Trefniadau'r Bartneriaeth**

- 3.1 Yn dilyn cwblhau proses Adolygu'r Asiantaeth a derbyn yr achosion busnes a gyflwynwyd, mae ACGCC wedi bod yn symud ymlaen gyda gweithredu'r achosion busnes ac mae ar y trywydd cywir yn gyffredinol. Mae rhaglen wedi'i diweddarau wedi'i chynnwys yn Atodiad C.

- 3.2 Mae'r broses gweithredu wedi cynnwys newidiadau sylweddol i fodel yr Asiantaeth, y trefniadau gwaith a'r strwythurau staffio gyda'r Awdurdodau Partner ac ACGCC. Rydym wedi profi lefelau cydweithredu da yn gyffredinol ac mae ACGCC yn cydnabod bod y newidiadau wedi codi nifer o faterion a phryderon o fewn yr Awdurdodau Partner ynghylch buddion parhaus darparu gwasanaethau. Mae ACGCC wedi rhoi sicrwydd na fydd yn caniatáu i Awdurdodau Partner wneud colled yn amodol ar ddarparu gwasanaethau effeithlon ond na fydd lefelau ffin gweithredu mor sylweddol ag mewn blynyddoedd blaenorol. Mae hyn yn angenrheidiol er mwyn bodloni her y Gweinidogion.
- 3.3 Mae trefniadau staffio ynghylch gweithredu model newydd yr Asiantaeth wedi'u bodloni mewn proses dau gam, fel a ganlyn:
- Cam 1 - Adnabuwyd y gallai mewnoli swyddogaethau craidd i'r Asiantaeth oddi wrth Awdurdodau Partner fod wedi rhoi rhai swyddi penodol mewn risg os oeddent yn gwbl neu'n rhannol ddibynnol ar lwyth gwaith Cefnffyrdd i'w cefnogi. Er mwyn gwarchod y swyddi hyn, yng Ngham 1 cafodd y staff hyn eu cynnwys o fewn y broses TUPE neu eu cynnwys o fewn grwpiau ystyriaeth ymlaen llaw a rhoddwyd cyfle iddynt ymgeisio am swyddi gyda ACGCC cyn i unrhyw broses recriwtio agored ddigwydd.
 - Cam 2 - Yn dilyn cwblhau'r broses TUPE a'r broses ystyriaeth ymlaen llaw roedd rhai swyddi ar ôl nad oeddent wedi'u llenwi ynghyd â rhai swyddi sylweddol oedd naill ai heb eu llenwi neu wedi'u llenwi ar sail dros dro yn sgil embargo LIC ar recriwtio. Mae'r embargo wedi'i godi bellach ac roedd Cam 2 yn cynnwys proses recriwtio agored i lenwi'r swyddi hyn oedd ar ôl.
- 3.4 Yn gyffredinol, mae'r broses recriwtio wedi mynd yn dda gyda dim ond nifer cyfyngedig o swyddi yn dal heb eu llenwi ac yn cael eu hysbysebu ymhellach. Mae cyfanswm nifer o staff ACGCC, gan ystyried staff Cyfwerth ag Amser Llawn sydd o fewn yr Awdurdodau Partner, wedi gostwng o tua 19 yn dilyn cwblhau'r newid model. O gofio bod llai o staff wedi trosglwyddo na'r swyddi oedd ar gael ystyria ACGCC nad yw'r newid model wedi achosi unrhyw golled swyddi a oedd yn amcan allweddol a adnabuwyd yn adroddiad mis Ionawr 2015 i'r pwyllgor. Darperir crynodeb o ddeilliannau trosglwyddo a recriwtio staff yn Nhabl 2 isod.

Awdurdod Partner	TUPE	Ystyriaeth Ymlaen Llaw	Hysbyseb Agored
Conwy			2
Ceredigion	1	3	1
Sir Ddinbych		2	
Gwynedd		12	
Powys	4	3	3
Wrecsam			1
ACGCC ac arall			9
Cyfanswm	5	20	16
Cyfanswm staff sydd wedi'u recriwtio/trosglwyddo	41		

Tabl 2 Crynodeb o Drosglwyddiadau Staff

3.5 Gweithrediad Diwygiedig y Cytundeb Darparu Gwasanaeth

Er mwyn bodloni gofynion LIC ar gyfer Cytundeb Darparu Gwasanaeth wedi'i cytgordio/cyffredin ac er mwyn gallu elwa o dechnoleg sy'n datblygu ac arferion gweithio gwell, mae ACGCC ac ACDC wedi datblygu diwygiadau angenrheidiol i'w Cytundebau eu hunain. Yn dilyn hynny, mae CDG diwygiedig wedi'i weithredu ers mis Ebrill 2016. Mae'r CDG yn rhoi gwell eglurder wrth weithredu'r TRMM a dylai gynorthwyo gyda dull mwy cyson o ddarparu gwasanaeth ar draws yr Awdurdodau Partner. Mae ACGCC yn gweithio gydag Awdurdodau Partner drwy gyfres o weithdai i sicrhau gweithrediad llyfn a rhoi sylwi i faterion neu bryderon sydd wedi'u codi. Crynhoir y diwygiadau fel a ganlyn:

- **Llawlyfr Cynnal a Chadw Cefnffyrdd Llywodraeth Cymru**

Yn 2015 fe wnaeth Llywodraeth Cymru weithredu diwygiadau sylweddol i'r llawlyfr hwn ac mae'n parhau i wella'r ddogfennaeth ar y cyd gyda'r ddau Asiant Cefnffyrdd. Disgwylir dogfen wedi'i diweddarau yn 2016. Mae'r ddogfen hon yn cynnwys newidiadau a fydd yn darparu arbedion cost o ran cynnal a chadw ac archwilio.

- **Cytundeb Darparu Gwasanaeth**

Mae'r Cytundeb Darparu Gwasanaeth ar gyfer Gwaith yn cynnwys cyfres o ddogfennau manyleb ar gyfer gwaith a gwasanaethau sy'n cael eu pwrcasu gan yr Awdurdodau Partner mewn fformat safonol i'r diwydiant. Mae'n ymgorffori ac yn gweithredu gofynion y Llawlyfr Cynnal a Chadw Cefnffyrdd Llywodraeth Cymru cyfredol ac achosion busnes ACGCC a gymeradwywyd gan y Gweinidog.

Mae'r dogfennau wedi'u datblygu ar y cyd ag ACDC fel diweddariad i ddogfennau blaenorol ac maent bellach yn darparu manyleb gyson ar gyfer gwaith cefnffyrdd ledled Cymru. Mae'r fanyleb hefyd yn cynnwys rhai gwelliannau mewn arferion gweithio a defnydd o dechnoleg. Mae dulliau talu Awdurdodau Partner yn adlewyrchu'r dulliau Rhestr Cyfraddau a Rhaglen Adnoddau y cytunwyd arnynt gan archwilwyr Llywodraeth Cymru.

Cyflwynwyd y Cytundeb Darparu Gwasanaeth ar gyfer Gwaith i Awdurdodau Partner ym mis Ionawr drwy gyfrwng cyfres o weithdai cyflwyno. Ers hynny, mae Awdurdodau Partner wedi bod yn darparu amcangyfrifon cost ar gyfer gwaith a'r gwasanaethau sydd i'w gweithredu yn 2016/17. Bydd ACGCC yn gweithio'n agos gydag Awdurdodau Partner, ACDC a Llywodraeth Cymru i wella'r fanyleb yn barhaus.

3.6 Mae cyfarfodydd gyda Phrif Swyddogion yn parhau er mwyn cynorthwyo gyda gweithredu'r achosion busnes a mynd i'r afael ag unrhyw faterion sy'n codi.

3.7 Mae Cofrestr Risgiau'r Bartneriaeth wedi'i hadolygu a'i diweddarau er mwyn adnabod risgiau i Bartneriaeth ACGCC, ac adnabod camau gweithredu er mwyn rheoli a lliniaru risgiau lle bo hynny'n bosib. Mae Cofrestr Risgiau'r Bartneriaeth wedi'i hatodi fel Atodiad A.

4 Bodloni gofynion Llywodraeth Cymru o ran Cytundeb yr Asiantaeth

4.1 Mae'r URhC yn gyfrifol am sicrhau bod gofynion LIC fel maent wedi'u nodi yn y Cytundeb Asiantaeth (WGMAA) yn cael eu bodloni. Nid yw LIC wedi codi unrhyw faterion ynghylch darparu gofynion WGMAA yn ystod y cyfnod adrodd.

4.2 Grŵp Llywio'r Asiantaeth

Cynhaliwyd cyfarfodydd pellach o'r grŵp llywio ar 6 Tachwedd 2015 a 14 Ebrill 2016. Prif ffocws y trafodaethau oedd cynnydd yr achos busnes, gweithrediad ac arbedion cost a ragamcanir. Mae cyllidebau ACGCC bellach yn cael eu gosod yn erbyn costau gwaelodlin diwygiedig ar gyfer cydymffurfiaeth lawn â gofynion Llawlyfr Cynnal a Chadw Cefnffyrdd Llywodraeth Cymru, llai'r arbedion a ragamcanir.

4.3 Systemau Rheoli Ansawdd

Cynhaliwyd archwiliad allanol o System Rheoli Ansawdd ACGCC ddechrau mis Medi 2015 gan BSI. Adnabu'r adroddiad 3 mân fater o beidio â chydymffurfio yr ydym wedi mynd i'r afael â nhw. Cynhelir yr archwiliad BSI nesaf ym mis Medi 2016. Bydd adolygiad Buddsoddwyr mewn Pobl (BmP) hefyd yn digwydd ym mis Mehefin 2016.

5 Perfformiad

5.1 Uned Waith PA

Yn gyffredinol, nid oes unrhyw faterion yn codi ynghylch perfformiad yr Uned Waith. Mae meincnodi wedi'i ailadrodd ac mae lefelau cytgordio costau gwaith yn parhau i wella.

5.2 Ymgynghoriaethau'r AP

Dengys y dangosyddion perfformiad yn Atodiad B, Siart 1 bod Ymgynghoriaethau'r AP yn gyffredinol yn parhau i ddarparu lefel dda o wasanaeth. Er bod materion wedi codi ar rai cynlluniau unigol, y mae ACGCC a'r ymgynghoriaethau AP perthnasol yn mynd i'r afael â hwy.

5.3 Fframweithiau Sector Preifat

Dengys y dangosyddion perfformiad yn Atodiad B, Siart 2, 3 a 4 ar gyfer y trefniadau fframwaith sector preifat bod lefel y gwasanaeth a roddir yn gyson dda.

6 Gwella'n barhaus

6.1 Prif ffocws ACGCC yn y cyfnod rhwng mis Ebrill 2015 hyd heddiw oedd gweithredu mesurau lleihau costau oedd yn gysylltiedig â'r achosion busnes a gyflwynwyd yn dilyn adolygiad LIC o Reoli Cefnffyrdd ac i fodloni'r Her Gweinidogol a gyflwynwyd yn Natganiad Ysgrifenedig mis Tachwedd 2014. Ar hyn o bryd, mae ACGCC ar y trywydd cywir i gyflawni'r arbedion a ragwelwyd ac mae swyddogion LIC wedi rhoi sicrwydd yr ystyrir y model cyfredol dan arweiniad y sector cyhoeddus yn un cynaliadwy yn yr hir-dymor, ar yr amod y cyflawnir yr arbedion hynny.

7 Anghydfodau dan Gymal 9.6 y Cytundeb Partneriaeth

- 7.1 Mae Cymal 9.6 y Cytundeb Partneriaeth yn nodi proses ddirchafu ar gyfer datrys anghydfodau a allai godi rhwng y TRMU a'r Awdurdodau Partner. Mae'n bosib y bydd anghydfodau o'r fath yn cael eu cyfeirio i'r Cydbwyllgor iddo ddod i benderfyniad arnynt, os byddant yn parhau heb eu datrys.
- 7.2 Ar hyn o bryd, nid oes materion sydd wedi'u dyrchafu dan y broses hon i'w hystyried gan y Cydbwyllgor.


ATODIAD A

Cofrestr Risgiau Partneriaeth ACGCC 2016/17 - Adolygwyd gan TRhA Ebrill 2016

Rhif	RISG	Tebygolrwydd	Effaith	Sgôr Risg: Tebyg. X Effaith	EFFAITH Y RISG	PERCHENNOG Y RISG	GWEITHREDU AR Y RISG	LLINIARU HYD YMA	Tebygolrwydd	Effaith	Sgôr risg ar ôl lliniaru Tebyg. ac Effaith
2P	Methu â chyrraedd gofynion cyflwyno gwasanaeth LIC.	4	4	16	1. Yn ddibynol ar natur a graddau'r methiant, mae gweithredu posib ar ran LIC yn cynnwys: a) Yr Asiantaeth yn ymgymryd â chynllun gweithredu cywiro b) Newid y darparwr gwasanaeth i feysydd gwasanaeth sy'n tanberfformio c) Terfynu'r Asiantaeth.	Awdurdod Arweiniol a Phartneriaid	1. Cynnal y perfformiad oddi mewn i lefelau targed gofynnol LIC.	1. Yr URhC a LIC yn monitro perfformiad yn rheolaidd. 2. Grŵp Llywio'r Asiantaeth/LIC yn adnabod ac yn mynd i'r afael â phroblemau posib. 3. Cynnal cydymffuriad gyda Systemau Rheoli Ansawdd. 4. Rôl graffu'r Cydbwyllgor. 5. Gweithredu'r drefn Archwilio. 6. SAG diwygiedig yn cael ei gweithredu a'i chadarnhau fel y model caffael sydd orau gan LIC. 7. Meincnodi cryf rhwng AP a'r sector preifat. 8. Gweithredu comisiynu ffi-sefydlog am wasanaethau ymgynghori gyda phrofion marchnad priodol. 9. Cadarnhau perfformiad boddhaol gan archwilyr allanol LIC.	1	3	3
3P	Methu â chyrraedd gofynion rheolaeth ariannol LIC.	4	4	16	1. Methu â chwrrd â gofynion cyllidebol LIC 2. Niwed sylweddol posib i enw da'r Asiantaeth a'r Awdurdodau Partner, allai beryglu dyfodol yr Asiantaeth. 3. Methu â gwneud y mwyaf o gyllidebau 4. Effaith andwyol ar lif arian Awdurdodau Partner	Awdurdod Arweiniol a Phartneriaid	1. Cynnal y perfformiad oddi mewn i lefelau targed gofynnol LIC.	1. Mae'r URhC wedi sefydlu system Gyfrifo Ymrwymiad. 2. SPS newydd yn cael ei weithredu ynghyd ag anfonebu misol. 3. Gwarantu cost yn yr Atodlen Gyfraddau a'r briffiau a brisiwyd. 4. Gweithredu'r drefn Archwilio. 5. Gweithredu sail comisiynu ar ffi-sefydlog i wasanaethau ymgynghori gyda thâl wedi cwblhau cerrig milltir. 6. Gweithredu Atodlen Ddiwygiedig Gweinyddiaeth Dechnegol y Darparwr Gwasanaeth.	1	4	4
4P	Yr Asiantaeth yn cael ei therfynu gan LIC o ganlyniad i benderfyniad gwleidyddol.	3	5	15	1. Terfynu'r Bartneriaeth. 2. Colled incwm sylweddol o bosib. 3. Goblygiadau staffio sylweddol o bosib. 4. Colled sylweddol o bosib i'r economi leol.	Awdurdod Arweiniol a Phartneriaid	1. Cynnal perfformiad ac enw da'r Asiantaeth a darpariaeth yr AP. 2. Gwelliant parhaus i arddangos gwerth am arian. 3. Cydgordio'r Atodlen Gyfraddau a'r prosesau cyflwyno. 4. Mabwysiadu dulliau gweithio arfer gorau i wella effeithlonrwydd gweithrediadau. 5. Cyflwyno cyflwyniad Ebrill ACGChC ar ostwng cost achosion busnes. 6. Cyflwyno targed estynedig arbedion cost LIC.	1. Adolygiad mawr LIC wedi ei gwblhau. 2. Cyflwyniad ac achosion busnes ACGChC Ebrill 2015 yn cael eu derbyn gan LIC.	2	5	10
6P	Un AP yn tynnu'n ôl o'r Bartneriaeth	2	3	6	Bygythiad i ddarpariaeth y gwasanaeth ar y rhwydwaith cefnfyrded yn y sir sy'n cael ei heffeithio.	Awdurdod Arweiniol a Phartneriaid	1. Byddai angen Cytundeb Partneriaeth wedi'i ddiwygio. 2. Angen adolygu graddau'r ddarpariaeth gwasanaeth a ddarperir gan y AP sy'n gadael. 3. Angen ailddyrranu'r gwaith i Awdurdodau Partner eraill neu i gadwyn gyflenwi'r Sector Preifat. 4. Yr URhC i gynnal parhad y gwasanaeth.	1. Cymal 12 o'r Cytundeb Partneriaeth yn delio gyda'r risg yma - gellir cytuno ar y Cytundeb Partneriaeth gan yr Awdurdodau sy'n weddill. 2. Cymal 6 o Gytundeb y Bartneriaeth yn delio gyda gweithio dros y ffin. 3. Trefniadau cyflenwi y Sector Preifat yn eu lle drwy Fframweithiau os oes angen.	2	3	6
7P	Anghydfod sylweddol rhwng yr Awdurdod Arweiniol a'r Partneriaid	2	2	4	Bygythiad i gyflwyniad y gwasanaeth	Awdurdod Arweiniol a Phartneriaid	1. Dilyn y broses ddatrys raddol.	1. Cymal 9 o'r Cytundeb Partneriaeth yn diffinio y broses ddatrys.	1	2	2
9P	Diwygio Llywodraeth Leol yng Nghymru.	4	4	16	Newid sylweddol i strwythur a maint y gadwyn gyflenwi ac fe allai prosesau newid cysylltiedig amharu ar gyflwyno'r gwasanaeth yn y dyfodol.	Awdurdod Arweiniol a Phartneriaid	1. Byddai angen Cytundeb Partneriaeth wedi'i ddiwygio. 2. Adolygu graddau'r ddarpariaeth gwasanaeth a ddarperir gan Awdurdodau Lleol newydd. 3. Angen i'r URhC i gynnal parhad y gwasanaeth.	1 Model ACGChC diwygiedig yn cydweddu gyda threfniadau newydd arfaethedig ALI.	4	2	8
10P	Methiant i wneud arbedion a ragwelir gan Achos Busnes	3	5	15	1. Methiant i fodloni gofynion arbedion y Gweinidogion 2. Terfynu WGMA a sefydlu trefniadau chaffael eraill	Awdurdod Arweiniol a Phartneriaid	1. Gweithredu prosesau rheoli newid 2. Sefydlu model Asiantaeth newydd 3. Sefydlu gweithdrefnau gweithredu newydd	1. Ymgysylltu ag Awdurdodau Partneriaid 2. Cwblhau trosglwyddiad staff y grŵp ystyriaeth blaenorol / TUPE 3. Recriwtio staff agored wedi ei gwblhau'n sylweddol 4. Holl achosion busnes ar raglen	4	2	8


ATODIAD B

Siartiau Perfformiad




Yn seiliedig ar 95 o Ddangosyddion Perfformiad Allweddol a gwblhawyd

Siart 1




Yn seiliedig ar 29 o Ddangosyddion Perfformiad Allweddol a gwblhawyd

Siart 2



Yn seiliedig ar 57 o Ddangosyddion Perfformiad Allweddol a gwblhawyd

Siart 3



Yn seiliedig ar 14 o Ddangosyddion Perfformiad Allweddol a gwblhawyd

Siart 4

ATODIAD C

Rhaglen Weithredu'r Achos Busnes

PROFFIL ARBEDION ARFAETHEDIG NMWTRA 2014/15 - 2018/19										
Achos Busnes	Categori Arbedion	Disgrifiad Byr	Cynnydd yn erbyn Rhaglen	2014/15	2015/16	2016/17	2017/18	2018/19	2019/20	
				AMSERLEN DARPARU						
BC04 - Gweinyddiaeth Dechnegol	Newid Model Darparu	Mewnoli a rhesymoli darparu swyddogaethau Gweinyddol Technegol i'r Uned Rheoli Cefnffyrdd (TRMU).	Dyletswyddau wedi ei mewnoli 1/4/16 Trefniadau staffio wedi ei gwblhau 1/4/16							
BC05 - Archwiliadau	Newid Model Darparu	Mewnoli a rhesymoli darparu Archwiliadau Diogelwch, Manwl ac Arbenigol i'r TRMU.	Dyletswyddau wedi ei mewnoli 1/4/16 Trefniadau staffio wedi ei gwblhau 1/4/16							
BC06 - Ceidwad Ardal	Newid Model Darparu	Mewnoli a rhesymoli swyddogaeth deient i'r TRMU.	Dyletswyddau wedi ei mewnoli 1/4/16 Trefniadau staffio wedi ei gwblhau 1/4/16							
BC07 Ymgynghoriaeth	Model Caffael Diwygiedig	Lleihad yn y Lluosydd o 2.1 i 1.9 er mwyn bod yn fwy cyson gyda'r sector preifat.	Model diwygiedig ar waith 1/4/15							
BC10 - Cynnal a Chadw Ymatebol	Arbedion Effeithlonrwydd	Ymdrin yn well ag atgyweiriadau diffygion categori.	I'w chyflwyno dros 2016/17							
BC12 - Cynnal a Chadw Gaeaf	Rhestr o Gyfraddau	Sefydlu methodoleg unffurf ar gyfer rhannu costau sefydlog cynnal a chadw gaeaf rhwng Cefnffyrdd a Ffyrdd Sirol.	Cwblhawyd 2014/15							
BC14 - Ymateb i Argyfwng	Newid Model Darparu	Cyflwyno trefniadau diwygiedig i'r Uned Ymateb i Argyfwng ar gyfer ffyrdd deuol a sengl.	Cyflwynir yn sylweddol yn 2014/15 y flaeu rhaglen gyda diwygiadau pellach i fynd i'r afael ar asedau trydanol yn 2016/17							
BC - 15 Rhestr o Gyfraddau	Rhestr o Gyfraddau	Datblygu system SOR newydd a wnaeth sefydlu methodoleg tryloyw ar gyfer adnabod a rhannu costau sefydlog gorbenion rhwng y Cefnffyrdd a'r Ffyrdd Sirol h.y. cyfrifiwyd y gorbenion a'r risg ar wahân i gyfraddau'r uned a gweithgareddau cylchol blynyddol.	Cwblhawyd 2014/15 gyda adolygiad a mireinio parhaus							
BC18 - Gwaith Stryd	Newid Model Darparu	Mewnoli a rhesymoli darparu swyddogaethau Gweinyddol Technegol i'r Uned Rheoli Cefnffyrdd (TRMU).	Dyletswyddau wedi ei mewnoli 1/4/16 Trefniadau staffio wedi ei gwblhau 1/4/16							
BC19 Cynnal a Chadw seiliedig ar Risg wedi'i arwain gan wybodaeth	Arbedion Effeithlonrwydd	Gweithredu dulliau cynnal a chadw yn seiliedig ar risg fel y cytunwyd gyda'r Llywodraeth Cymru	I'w chyflwyno dros 2016/17							
BC20 Archwiliadau seiliedig ar Risg wedi'u harwain gan ddeallusrwydd	Arbedion Effeithlonrwydd	Gweithredu dulliau cynnal a chadw yn seiliedig ar risg fel y cytunwyd gyda'r Llywodraeth Cymru	I'w chyflwyno dros 2016/17 a 2017/18							